

宗門統要續集卷第十一上

傾二

宋建溪沙門宗永集

元建康保寧禪寺住持沙門清光續集

六祖大師嗣法

吉州青原山行思禪師問石頭云從甚處來

頭云曹溪師乃拈拂子云曹溪還有這箇麼

頭云非但曹溪西天亦無師云子莫曾到西天不頭云若到即有也師云未在更道頭云

和尚也須道取一半莫全靠希遷師云不辭向汝道恐已後無人承當

師令石頭馳書與南嶽大慧禪師乃云回日與子箇鈍斧住山去石頭到彼便問不慕諸聖不重已靈時如何慧云子問太高生何不向下問將來頭云寧可永劫受沉淪不從諸聖求解脫便歸師問子返何速書信達不頭云信亦不通書亦不達乃舉前話復云去日蒙和尚許箇鈍斧子而今便請師垂下一足石頭便作禮

玄沙備云大小石頭被大慧推倒至今起不得雪竇顯云石頭泊擔板過却又云

大小大慧不解據令 翠巖芝云思和尚
垂足石頭禮拜要且不得斧子且道後來
使箇什麼 黃龍南云石頭雖然善能馳
達不辱宗風其奈逞俊太忙不知落節既
是落節迴來因什麼得斧子

師因僧問如何是祖師西來意師云又恁麼
去也僧又問近日有何言句乞師一兩則師
云近前來僧近前師云分明記取

青原下第一世
南嶽石頭希遷禪師嗣青原思一日因思和尚云

有人道嶺南有消息師云有人不云云思云
若與麼大藏小藏從何而來師云盡從這裏
去

師因藥山問三乘十二分教某甲粗知嘗聞
南方直指人心見性成佛實未明了伏望和
尚慈悲指示傾二師云與麼也不得不與麼也不
得與麼不與麼總不得汝作麼生山佇思師
云子因緣不在此江西有馬大師子往彼去
應爲汝說山至彼淮前請問馬師云我有時
教伊揚眉瞬目有時不教伊揚眉瞬目有時

教伊揚眉瞬目者是有時教伊揚眉瞬目者
不是山於是有着便作禮馬師云子見箇什
麼道理山云某甲在石頭時如蚊子上鐵牛
馬師云汝既如是宜善護持

法雲秀云石頭好箇無孔鐵鎚大似分付
不著藥山雖然過江西悟去爭奈平地上
喫交有什麼扶榮處具眼者試辨看

續五祖演云老僧在衆日聞兄弟商量道
即心即佛也不得不即心即佛也不得若
恁麼說話敢稱禪客殊不知古人文武兼

備韜畧雙全山僧見處也要諸人共知只
見波濤湧不見海龍宮 大鴻智云說什
麼在石頭時如蚊子上鐵牛只今又何曾
吐露得出 滬山果云前箭猶自可後箭
射人深藥山直饒恁麼悟去也落第二月
徑山杲云好箇話頃二端阿誰會舉舉得十分
三未敢相許

師問新到甚麼處來僧云江西來師云見馬
大師不僧云見師乃指一榦柴云馬師何似
這箇僧罔措却迴舉似馬祖粗云汝見榦柴

大小僧云沒量大祖云汝甚有力僧云何故
粗云汝從南嶽負一榦柴來豈不是有力
師垂示云言語動用沒交涉時藥山在會乃
出云直得非言語動用亦沒交涉師云這裏
針劄不入山云這裏如石上栽花

師因問思和尚云和尚自離曹溪什麼年到
此間思云我却不知你早晚離曹溪師云某
甲不從曹溪來思云我亦知汝來處師云和
尚幸是大人且莫造次

師因大顛問古人云道有道無是二諱請和

尚除師云一物亦無除箇什麼師却問大顛
併却咽喉骨吻速道將來顛云無這箇師云
若與麼汝即得入門

青原下第二世

澧州藥山惟儼禪師嗣石頭遷久不陞堂一日院

主白云大眾久恩和尚示誨師云教打鐘著
大衆方集師便下座歸方丈院主續問和尚
既許爲大衆說法爲甚一言不施師云經有
經師論有論師爭怪得老僧

雪竇顯云可惜藥山老漢平地上喫撲盡

大地人扶不起 鄭鄉覺云藥山下座不妨疑著及乎院主拶著失却一隻眼 翠巖芝云樂山下座院主當初怪不爲說法可謂誤他三軍

續薦福懷云藥山還見院主麼院主還見

頃

藥山麼三十年後遇著作家不得錯舉

四

五祖演云雖然以已妨人爭奈賊身已露
諸人要識藥山麼閑持經卷倚松立笑問
客從何處來 開福寧云藥山慎初護末

佛眼難窺院主狹路相逢等閑蹉過 雪

寶宗云威音劫外携手誰肯同歸十字街
頭擲金幾人踏著敢問大衆且道藥山曾
說不曾說若道曾說是謗藥山若道不曾
說是孤負藥山且道畢竟爲人在甚麼處
良久云須知雲外千峯上別有靈松帶雨
寒 天童傑舉翠巖拈了云翠巖只具一
隻眼殊不知藥山歸方丈正是勞他三軍
資福先云藥山竟歸方丈却似箇好人只
被他輕輕一捏便見忘前失後

師因僧問學人有疑請師決疑師云待晚間

來爲汝決至晚參衆集師云今日要決疑僧何在僧便出來師下座把住云大衆這僧有疑便與一推却歸方丈

翠巖芝云藥山與麼決疑土上更加泥雖然如是這僧也不得孤負藥山

續雲居元云大小藥山被這僧勘破

師因僧問已事未明乞師指示師良久云吾今爲汝道一句亦不難只宜汝於言下便見去猶較些子若更思量却成吾罪過不如且各合口免相累及

師一日問飯頭你在這裏多少時頭云三年也師云我總不識你其僧不曉憤然而去師向手中書一佛字問道吾是什麼道吾云佛字師云這多口阿師
師尋常不許人看經一日自將經看僧問和尚尋常不許人看經爲甚麼却自看師云我只要遮眼僧云某甲學和尚得麼師云你若看牛皮也須穿

長慶稜云眼有何過

續報慈遂云且道長慶會藥山意不會藥

山意 雪竇宗云真心不動教海澄明得
用如如義天炳煥正恁麼時且道是經是
眼若向這裏見得徹更不用循行數墨逐
妄迷真其或未然牛皮穿透猶自可觸體
徧野幾人知

師因僧問平田淺草塵鹿成羣如何射得塵
中主師云看箭僧放身便倒師云侍者拖出
這死屍僧便走師云弄泥團漢有什麼限
雪竇頤云三步雖活五步須死
續雲居元云藥山千鈞之弩不爲鼴鼠發

機這僧帶箭出門一死更不再活 淨慈
昌云這僧趁得猢猻入他閑市藥山騎箇
猛虎直上高山若作一處商量終是遭人
檢點

師與道吾雲巖遊山次見兩株樹一榮一枯

頤二

六

師乃問巖云枯者是榮者是巖云榮者是師
云與麼則灼然一切處光明燦爛去又問道
吾吾云枯者是師云與麼則灼然一切處放
敵枯淡去時高沙彌至師又問彌云枯者從
他枯榮者從他榮師回顧雲巖道吾云不是

不是

師因雲巖出糞次乃問作什麼巖云擔糞師
云那箇聾巖云在師云汝來去爲誰巖云替
他東西師云何不教伊並行巖云和尚莫謗
他師云不合與麼道巖云如何道師云還曾
擔麼

師因看經次栢巖云和尚休猱人得也師卷
却經云日頭早晚巖云正當午也師云猶有
這箇文彩在巖云某甲無亦無師云汝煞聰
明巖云某甲只恁麼和尚尊意如何師云我

跛跛挈挈百醜千拙且與麼過

師向雲巖道與我喚沙彌來巖云喚他作什
麼師云我有箇折腳鎧子要伊提上挈下巖
云與麼則某甲與和尚共出一隻手

鴻山詰云藥山若不得雲巖折腳鎧子幾

成廢器大鴻折腳鎧子也與諸人共出一
隻手何故且圖古風不墜

續天童華云藥山道頭雲巖知尾雖然頭
尾相稱要且不識羞耻

師問僧年多少也僧云七十二也師云是年

七十二那僧云是師便打

曹山章云前箭猶自可後箭射人深時有
僧問如何免得此棒師云正勑旣行諸侯
避道

師晚參云我有一句子待特牛生兒即向你
道時有僧便出云特牛生兒也祇是和尚不
道師喚侍者將燈來其僧便抽身入衆
洞山价云這僧會只是不肯禮拜 清涼
欽云特牛兒特牛兒又代云雙生
續翠巖芝云我即不然特牛生兒也不向

你道何故如此若向你道何處更有王老

師 投子青云且道甚處是這僧會底道
理若道得可爲這僧雪屈若道不得却被
藥山瞞 湛山遠云我有一句子待無舌
人間即道 昭覺勤云藥山垂釣意在鯤

鯨這僧吞鉤三千激浪洞山眼正千里同
風法燈重整檜旗再裝甲冑夾山即不然
有一句子威音已前道與諸人了或有問
明頭合暗頭合只向他道龍得水時添意
氣虎逢山色長威獐 黃龍震云會麼如

人暗中書字字雖不成文彩已彰文彩既彰點燈爲甚不見不見道賊是小人智過

君子

師一日臨齋院主報云打鐘也請和尚上堂

情二

師云汝與我擎鉢盂去主云和尚無手來多

少時師云汝只是枉披袈裟主云某甲只與

麼和尚又如何師云我無這箇眷屬

師問龐居士云一乘中還著得這箇事麼士

云某甲祗管日求升合不知還著得麼師云

道居士不見石頭得麼士云拈一放一未是

好手師云老僧住持事繁士珍重便出師云拈一放一的是好手士云好箇一乘問宗今日失却也師云是是

師坐次有僧問兀兀地思量什麼師云思量箇不思量底僧云不思量底如何思量師云非思量

師問僧甚麼處來僧云南泉來師云在彼多少時僧云粗經歲月師云與麼則三十年後成一頭水牯牛去也僧云某甲雖在彼中且不曾上他食堂師云口欬南風那僧云和尚

莫錯自有把匙筋人在

師問雲巖甚處來巖云百丈來師云百丈有何言句巖云有時示衆云我有一句子百味具足師云鹹即鹹味淡即淡味不鹹不淡是常味作麼生是百味具足底句巖無對師笑

頃三

九

云爭奈目前生死何巖云目前無生死師云

二十年在百丈俗氣也不除

師次日又問海兄更說甚麼法巖云有時道

三句外會取六句外省去師云且喜沒交涉又問更說甚麼法巖云有時陞堂衆集以拄

杖打下復召大眾衆迴首却云是什麼師云何不早道巖於此有省

師問僧甚麼處來僧云湖南來師云洞庭湖水滿也未僧云未師云許多時雨水爲甚未

滿有本謂馬祖問僧

雲巖歲代云湛湛地道吾智云滿也洞山价云什麼劫中曾增減來雲門偃

云只在這裏

師一日坐次石頭來見乃問汝在這裏作什麼師云一切不爲頭云恁麼即閑坐也師云

若閑坐即爲也頭云汝道不爲不爲箇什麼

師云千聖亦不識頭乃有偈贊云從來共住
不知名任運相將抵麼行自古上賢猶不識
造次凡流豈可明

五祖戒云藥山夢中說夢兩重重

師因違布衲作殿主浴佛次師乃問汝抵浴
得這箇還浴得那箇麼遵云把將那箇來師
休去

長慶稜云邪法難扶 黃龍南云此二尊
宿一出一入未見輸贏三十年後不得錯

舉

續天音華云遵布衲當時若是箇漢待他
道還浴得那箇麼拈起杓子劈面擲雖然

也不得屈藥山何故不入虎穴爭得虎子

師一日提籠子出雲巖指云用這箇作什麼

頌二

師云有處用巖云風雨來作麼生 師云蓋覆
著巖云他還受蓋覆麼 師云雖然如是且無

遺漏或曰
道吾

荊州天皇道悟禪師問石頭云離却定慧以
何法示人頭云我這裏無奴婢離箇什麼師

云如何明得頭云汝還撮得虛空麼師云與
麼則不從今日去也頭云未審汝早晚從那
邊來師云某甲不是那邊人頭云我早知汝
來處師云和尚何以贓誣於人頭云汝身見
在師云雖然如是畢竟如何示於後人頭云

汝道阿誰是後人師從此有省

師臨遷寂日大眾問疾師薦召典座近前云
會麼座云不會師乃拈枕子拋於地上即便
告終

鄧州丹霞天然禪師訪龐居士門逢女子靈

照洗菜次師問居士在不女子放下菜籃斂
手而立師再問女子提起菜籃便行師遂迴
須臾居士外還女子乃舉似前話士云丹霞
在麼女子云去也士云赤土塗牛跡一本云這完宋

子喪我
門風

傾二

鴻山詰云大小丹霞被居士女子勘破山
僧當時若作丹霞但與呵呵大笑待他問
長老笑箇甚麼却向道不是冤家不聚頭
續蔣山勤云丹霞從苗辨地靈照因語識
人放下菜籃當處發生提起菜籃隨處滅

盡居士云赤土塗牛跡星裏販揚州且道畢竟如何各自散去免增詰會

師又一日訪龐居士至門首相見師乃問居士在不士云飢不擇食師云龐老在不士云蒼天蒼天便入宅去師云蒼天蒼天便迴去師問僧甚處來僧云山下來師云喫飯了也未僧云喫飯了也師云將飯與汝喫底人還具眼麼僧無對

長慶稜問保福云將飯與人喫報恩有分爲甚不具眼福云施者受者俱瞎慶云盡

其機來還成瞎不福云道我瞎得麼芭蕉徹云各具一得一失又代僧云爭不足讓有餘又代霞云施受俱無利益汾陽昭代云若不上山爭識丹霞
續保寧男代云今日被和尚勘破天童

華云丹霞既已龍頭蛇尾長慶保福只得將錯就錯雖然二三老宿要且不知老僧落處具擇法眼者試請辨看

師因去馬祖處路逢一老人與一童子師問公住何處老人云上是天下是地師云忽遇

天崩地陷又作麼生老人云蒼天蒼天童子
虛一聲師云非父不生其子老人便與童子
入山去

續正覺顯云上天下地不妨聰明蒼天蒼
天隨語生解是父是子褒貶分明虛一聲

却較些子

師因問龐居士昨日相見何似今日士云如
法舉昨日事來作箇宗眼師云恁如宗眼還
著得龐公麼士云我在你眼裏師云某甲眼
窄何處安身士云是眼何窄是身何安師休

妄士云更道取一句便得此話圓師亦不對
士云就中這一句無人道得

續蔣山勤云是眼何窄是身何安昨日今
日事無兩般淮南兩浙秋熱春寒恁麼會
得也大無端三十年後莫受人瞞

師一日與龐居士行次見一泓水士以手指
云得與麼也還辨不出師云灼然是辨不出
士乃戽水潑師二掬師云莫與麼莫與麼士
云須與麼須與麼師又戽水潑士三掬士云
正與麼時堪作什麼師云無外物士云得便

宜者少師不語士云誰是落便宜者

師因過一院值凝寒於殿中見木佛乃取燒火向院主遇見訶責云何得燒我木佛師以杖子撥火云吾燒取舍利主云木佛何有舍利師云既無舍利更請兩尊來燒院主自後

眉鬚墮落

頌二

十三

若也見得與古佛同參若也不見切忌撥無因果 寶峯文云丹霞燒木佛院主眉鬚落慕拈拄杖云不是木佛擲下拄杖云誰敢燒你擬即眉鬚落不擬又且如何高聲云行者拈起拄杖 東禪嶽云古人做處今人合知如展一面皂纛旗殺一有罪而天下咸服如其無罪法亦難施直饒千聖出頭來安排一字也不得 天童華云諸方商量道院主忽起疑心而致斯禍又云院主天寒不與丹霞火向致令燒却木眉鬚墮落即且置且道丹霞眉毛在也無

續大寧寬因僧問丹霞燒木佛爲甚院主眉鬚墮落寬云賊不打貧兒家 投子青云不會作客勞煩主人 保寧勇云院主眉鬚墮落即且置且道丹霞眉毛在也無

佛遂乃眉鬚隨落殊不知院主買鐵得金一場富貴靈隱嶽云諸人要知麼大小丹霞向深村裏失却一隻眼院主也是如

蟲禦木偶爾成文光孝門下也無木佛得

燒只有一星無煙火直是難近傍擬之則

燎却面門諸人須是退步看驀地冷灰裏

豆爆驚天動地直教佛祖救不得喝一喝

潭州長髭曠禪師因石頭問什麼處來師云嶺南來頭云大庾嶺頭一鋪功德成就也未

師云成就久矣只欠點眼在頭云莫要點眼

麼師云便請石頭垂下一足師便作禮頭云你見箇什麼便禮拜師云如紅爐上一點雪

雪竇顯云無眼功德有什麼點處

續雲居元云可惜勞而無功

師因一僧至達禪牀一帢卓然而立師云若

頃一

是石頭法席一點也用不著僧又達一帢

十四

云却是謂麼時不易道得箇來處僧便出去

師乃喚僧不顧師云這漢猶少教詔在僧却

回云有一人不從人得不受教詔不落階級

師云許麼師云逢之不逢逢必有事僧乃退

身三步師却達禪牀一帢僧云不准宗眼分明亦乃師承有據師打三下

師問僧甚處來僧云九華山控石菴來師云菴中是什麼人僧云馬祖下尊宿師云名什麼僧云不委他法號師云他不委你不委僧

云尊宿眼在甚處師云若是庵主親來今日也須喫棒僧云賴遇和尚放過某甲師云百

年後討箇師僧也難得

雪竇顯云是則二俱作家要且只解收虎

尾不能據虎頭若使德山令行並須瓦解

師因龐居士到見陸座衆集定士便出云各請自檢好師便說士却於禪牀右立時有僧問不觸主人翁請師答話師云識龐公麼僧云不識士便攬住其僧云苦哉苦哉僧無對

云不識士便攬住其僧云苦哉苦哉僧無對士托開師少間却問適來這僧還喫拄杖不

頭二士云待伊甘始得師云居士只見錐頭利不見鑿頭方士云恁麼說話某甲即得外人聞

之要且不好師云不好箇甚麼士云阿師只

見錐頭尖不見鑿頭利

師因李行婆來乃問憶得在絳州時事麼婆

云非師不委師云多虛少實在婆云有甚諱

處師云念你是女人放你拄杖婆云某甲終
不見尊宿過師云老僧過在甚處婆云和尚
無過婆豈有過師云無過底人作麼生婆乃
豎拳云與麼總成顛倒師云實無諱處

師一日見僧來乃擒住云師子兒野干屬僧
以手作撥眉勢師云雖然如此猶欠喙吼在
僧擒住師云偏愛行此一機師與一摶僧故
下手拍三下師云若見同風僧汝甘與麼不
僧云終不由別人師作撥眉勢僧云猶欠喙

吼在師云料想不由別人

潭州大川禪師因江陵有僧來參師云幾時
發足江陵府僧提起坐具師云特謝遠來下
去僧達禪牀一帯便出師云若不與麼爭知
眼目端的僧撫掌一下云苦殺人洎合錯判

諸方師云甚得禪宗道理後僧舉似丹霞霞
云大川法道即得於我這裏即不然僧云和
尚此間作麼生霞云猶較大川三步在僧禮
拜霞云錯判諸方者多

洞山价云若不是丹霞也難分玉石

潮州大顛和尚因石頭問那箇是汝心。師云言語者是頭，便喝出經旬日間。師復問前者既不是除此外何者是心。頭云：除却揚眉瞬目，將心來。師云：無心可得。將來頭云：元來有心。何言無心？無心盡同謗。師於言下有省。

師一日將養和子廊下行，逢一僧問訊。次師以養和囂口打云：會麼？僧云：不會。師云：大顛老野狐，不曾孤負人。

師因韓文公問和尚春秋多少，師乃提起數珠示之。云：會麼？公云：不會。師云：晝夜一百八。

前話座云：侍郎怎生會？公云：晝夜一百八。意旨如何？座乃扣齒三下。公復至堂頭，又進前語。晝夜一百八。意旨如何？師亦扣齒三下。公云：信知佛法。一般師云：見什麼道理？乃云：一般。公云：適來門首接見首座，亦復如是。師遂

喚首座問適來祇對侍郎佛法是不首座云
是師便打趨出院

保福辰云首座知前不知後大顛令不單
行

宗門統要續集卷第十一上

十一

十七

音釋

鼴強鶴切也
扉小鼠故切也
戽水器故切也
鼙軍中大鼓故切也

響音你物貌也
貌貌也也
撻撻也也
鼴郭獲切也

蟹切也
休休也也
吹吹也也
居居也也

永樂北藏

宗門統要正續集

第一五四冊

宗門統要續集卷第十一

傾三

宋建溪沙門宗永集

元建康保寧禪寺住持沙門清茂續集

青原下第二世

汾州石樓和尚問僧近離甚處僧云漢國師

云漢國天子還重佛法也無僧云苦哉賴值

問著某甲問著別人即禍生師云作箇什麼

僧云人尚不見有何佛法可重師云閣黎受

戒多少時僧云二十夏師云大好不見有人

便打一本曰東樹話未詳是何世代

雪竇顯云這僧棒既喫要且去不再來石
樓令雖行爭奈無風浪起

師因僧問未識本來性乞師方便指師云石
樓無耳墻僧云某甲自知非師云老僧還有
過僧云和尚過在甚處師云過在汝非處僧

作禮師便打

澧州大同濟禪師一日因米胡領衆來纔欲
相見師便拽轉禪牀面壁而坐米於背後立
少時却回客位師云是即是若不驗破已後
遭人貶剥却令侍者去請米纔上來却拽轉

禪牀便坐師乃達牀一帯便歸方丈米却拽倒禪牀領衆便出去

師一日訪龐居士士云憶得在母胎中時有一則語今日舉似阿師不得作道理主持師云猶是隔生也士云向道不得作道理主持

師云驚人之句爭得不怕士云如斯見解可謂驚人師云不作道理却成作道理士云不但隔一生兩生師云喫粥飯底僧一任居士檢責士鳴指三下

師一日纔見龐居士來便掩却門云多知老

翁莫與相見士云獨坐獨語過在阿誰師便開門纔出被士把住云是師多知是我多知師云多知且致閉門開門卷之與舒相較幾何士云祗此一問氣急殺人師不語士云弄巧成拙

偈三

丁行者一日看性空空打一棒云瞎却汝本來眼也丁云非但今日古人亦行此令空云誰向汝道古今丁拂袖便出空云青天白日有迷路人丁云莫要指示麼空便打丁云莫瞎却人眼好空云瞎却俗人眼有甚過

青原下第三世

潭州道吾智禪師嗣藥山嚴離藥山到南泉泉問

閻黎名什麼師云宗智泉云智不到處作麼生宗師云切忌道著泉云灼然道著即頭角生至三日後師與靈巖在後架把針次泉過見乃再問前日道智不到處切忌道著道著即頭角生合作麼生行復師便抽身入僧堂即頭角生合作麼生行復師便抽身入僧堂泉便去師却來坐巖乃問師弟適來爲甚不祇對和尚師云你得與麼靈利巖不薦却去問泉云適來因緣智頭陀作麼生不祇對和

尚泉云他却是異類中行巖云如何是異類

中行泉云不見道智不到處切忌道著即頭角生且須向異類中行巖亦不會師知巖不薦乃云此人因緣不在此便與迴藥山山覩二人迴乃問巖汝到甚處去來巖云到

傾三南泉山云泉有何言向巖遂舉前話山云子作麼生會他這箇時節便回來巖無對山乃大笑巖便問如何是異類中行山云吾今日因別時來巖云某甲特爲此事歸來山云且去巖便出師在方丈外聞巖不薦不覺咬得

指頭血出師却下來問巖云師兄去問和尚那因緣作麼生巖云和尚不爲某甲說師便低頭

續雲居膺因僧問切忌道著意作麼生師云此語最毒僧云如何是最毒底句師云

一棒打殺龍蛇

師與雲巖同侍藥山次山云智不到處切忌道著道著即頭角生師便珍重出去巖遂問智師兄爲什麼不祇對和尚山云我今日背痛是他却會沒去問取巖遂問師兄適來爲

甚不祇對和尚師云我今日頭痛你去問取和尚後雲巖遷化遣人馳辭書至師覽後云雲巖不知有悔當時不向伊道然雖如是要且不違藥山之子

報慈遂云古人與麼道還知有也未雲巖

當時不會什麼處是他不會處 翠巖芝

云道吾道雲巖不知有悔當時不向伊說
只如與麼道道吾還知有也無

師因雲巖問師兄家風作麼生師云教汝指點著堪作什麼巖云無這箇來多少時也師

云牙根猶帶笑灑在

師因南泉示衆云法身具四大不有人道得
與他一腰棍稱三師云性地非空空非性地此是
地大三大亦然泉不違前言乃與棍一腰
師因雲巖不安乃謂離此殼漏子向甚處相
見巖云不生不滅處相見四師云何不道非不
生不滅處亦不求相見

雪竇顯云侍者與我記取這一問
續昭覺勤云何處不逢渠

師一日指佛桑花問僧這箇何似那箇僧云

直得寒毛卓堅師云畢竟如何僧云道吾門
下底稱三師云十里大王

續昭覺勤云以膠投漆驗影知形不諳正
去偏來爭解明投暗合還委悉麼蟬聯跳
上梵天蚯蚓驀過東海徑山策云不開
戶牖安知明月之光不汎仙槎安觀天河
之勢道吾以楔拔楔這僧以智破智雖然
驀路相逢未免三頭六臂還委悉麼愛他
年少子翻作白頭翁

師因雲巖修鞋次乃問作什麼巖云將敗壞

補敗壞師云何不道即敗壞非敗壞

師因僧問無神通菩薩爲甚蹤跡難尋師云同道者方知僧云和尚還知麼師云不知僧云爲甚不知師云去汝不會我語

後三

五

師因僧問久嚮和尚會禪是不師云蒼天蒼

天僧近前掩却師口云低聲師遂與一掌僧

後三

即置鴻云置時師子在甚麼處師云置也置

雲蒼天蒼天師把住云得與麼無禮僧却與

五

師一掌師云老僧罪過僧拂袖出師云早知

如是悔不如是

後竹園與僧有語頗相同

潭州雲巖雲巖禪師因藥山問聞汝會弄師

五

即置鴻云置時師子在甚麼處師云置也置

五

續法昌遇云好一場師子只是有頭無尾

我當時若見鴻山道置時師子在甚麼處

便與放出蹄地金毛直敎鴻山藏身無路

泐潭準云藥山雲巖鈍置殺人兩父子弄
一箇師子也弄不出若是準上座只消自
弄拽得來拈頭作尾拈尾作頭轉兩箇金
睛攫幾鉤鐵爪吼一聲直教百里內猛獸

潛蹤滿空裏飛禽亂墜準上座未弄師子

請大衆高著眼先做一箇定場擲下拄杖
云箇中消息子能有幾人知

師問一尼云汝爺在不尼云在師云年多少
尼云八十師云汝有箇爺不年八十汝還
知不尼云莫是恁麼來者麼師云猶是兒孫

洞山价云直是不與麼來者亦是兒孫
續鴻山果云恁麼也不得不恁麼也不得
畢竟作麼生良久云從來無位次不用強
安排

師因煎茶次道吾問煎與阿誰師云有一人

要吾云何不教伊自煎師三師云幸有某甲在

師問石霜甚處來霜云鴻山來六師云在彼多
少時霜云粗經冬夏師云與麼則成山長也
霜云雖在彼中却不知師云他家亦非知非
識道吾聞乃云得與麼無佛法身心

師一日謂衆云有箇人家兒子問著無有道不得底洞山乃問他屋裏有多少典籍師云一字也無山云爭得與麼多知師云日夜不曾眠山云問一偈事還得麼師云道得却不道

師因裴大夫問僧供養佛佛還喫不僧云如大夫祭家神大夫舉似師師代云有幾般飯食但一時下來師却問神山一時下來後作麼生神山云合取鉢盂師然之
師因道吾問大悲菩薩用許多手眼作什麼

師云如人夜中背手摸枕子吾云我會也我會也師云尔作麼生會吾云徧身是手眼師云道即太煞道只道得八成吾云師兄作麼生師云通身是手眼

師一日掃地次道吾云太區區生師云須知有不區區者吾云恁麼則有第二月也頃三七師豎起掃幕云這箇是第幾月吾休去

玄沙備云正是第二月長慶稜問玄沙云被他倒轉掃幕攏面滅又作麼生沙休去羅山閑云噫兩箇漢不識好惡雲巖

箇漢縛手脚死來多少時也 雲門偃云
奴見婢慇懃 保福展云雲巖大似泥裏
推車步步區區 雪竇顯向有第二月也
處別云泊合放過

臂玄沙道正是第二月面皮厚多少且道
雲巖豎起掃帚意作麼生十成好箇金剛
鑽攤向門前賣與誰

秀州華亭船子德誠禪師因夾山初住潤州
鶴林時道吾到遇上堂有僧問如何是法身

夾云法身無相如何是法眼夾云法眼無瑕
道吾不覺失笑夾便下座請道吾問某甲適
來祇對這僧話必有不是致令上座失笑望
上座不惱慈悲吾云和尚一等是出世未有
師在夾云某甲甚處不是望爲說破吾云某
甲終不說請和尚却往秀州華亭船子處去
夾云此人如何吾云此人上無片瓦下無寸
土和尚若去須易服裝束蓋船子曾囑道吾
已後有座主指一箇夾乃散衆易服直造華亭船子纔見便問
大德住什麼寺夾云似則不住住則不似或云

目前師云不似又不似箇什麼或云是夾云
無似前師云甚處學得來夾云非耳目
不是目前法師云甚處學得來夾云非耳目
之所到前師云一句合頭語萬劫繫驢後三櫬師又
問垂絲千尺意在深潭離鈎三寸子何不道
夾擬開口師便以篙打落水中夾纔上船師
云道道夾擬八開口師又打夾於此有省乃點
頭師云竿頭絲線從君弄不犯清波意自殊
夾遂問拋綸擲釣師意如何師云絲懸綠水
浮定有無之意夾云語帶玄而無路舌頭談
而不談師云釣盡江波金鱗始遇夾乃掩耳

師云如是如是遂囑云汝向去直須藏身處
沒蹤跡沒蹤跡處莫藏身吾二十年在藥山
只明斯事汝今既得他後不得住城隍聚落
但向深山裏饅頭邊覓取一箇半箇接續無
令斷絕夾乃辭行頻頻回顧師遂喚云闍黎
闍黎夾回首師豎起橈云汝將謂別有乃覆
船入水而逝

續長蘆了云棹頭撥轉河漢星輝船子踏
翻天地黯黑豎起拂子云這箇是饅頭邊
乾白露淨底還知沒蹤跡處隱身不得底

麼

宣州桺樹慧省禪師因道吾來相看值師卧次吾乃近前將被蓋覆師問作麼吾云蓋覆師云卧是坐是吾云不在兩頭師云爭奈蓋

覆道吾便喝

有曰嗣
馬祖者

九

續昭覺勤云桺樹卧起道吾蓋覆一喝當頭掀翻露布 鴻山智云相逢不相避箇裏聊遊戲喝一喝翻天覆地

師一日坐次藥山來見問云作麼師云和南山云隔闊來多少時師云恰是乃拂袖出

藥山高沙彌一日齋時見藥山自打鼓師捧鉢乃作舞入堂山便擲下椎云是第幾和師云第二和山云如何是第一和師就桶舀一杓飯便行

師一日出齋值雨藥山見來方云你來也師

云是藥云可煞濕師云不打這鼓箇雲巖云皮也無打什麼鼓道吾云鼓也無打什麼皮藥云今日大好曲調

師因藥山問什麼處去師云江陵府受戒去藥云受戒圓箇什麼師云免生死藥云有一

人不受戒亦無生死可免汝還知不師云與
麼則佛戒何用也藥咄云這饒舌沙彌猶掛
脣齒在師因契本心更不受戒

師因藥山問我聞長安甚鬧你還知麼師云
我國晏然山忻然乃問汝從人得請益得看
經得師云亦不從人得亦不請益得亦不看
經得山云有人不看經不請益爲甚麼不得
師云不道他不得自是他不肯承當

明州刺史李翹仰慕藥山道風久矣屢請不
赴乃特入山致敬肅裝客禮直造座前藥山
端然看經殊不顧視李乃云見面不如聞名
拂袖便行藥山却召李回首藥云何得貴耳
而賤目李遂頂禮起問如何是道藥以手指
天復指淨瓶李云不會藥云雲在青天水在
瓶李拜謝乃呈偈云鍊得身形似鶴形千株
偈三
松下兩函經我來問道無餘事雲在青天水
在瓶

李翹與西堂坐次因有兩僧從江西來李乃
問馬大師有何言教僧云大師或說即心即
佛李云過這邊又問一僧僧云或說非心非

佛李云總過這邊李却問西堂堂乃召李翹
翹應若堂云鼓角動也

澧州龍潭崇信禪師嗣天悟皇家爲餅師逐日以

十餅饋天皇皇每受畢却留一餅云吾惠汝
以蔭子孫師一日自念云餅是我持來何以

返惠於我別有旨乎於是請問皇云是汝持
來復汝何咎師聞之稍悟玄旨因投出家

師一日問天皇云某自到來不蒙和尚指示
心要皇云自汝到來吾未嘗不指示汝心要
師云何處指示皇云汝擎茶來吾與汝接汝

行食來吾與汝受汝和南時我便低首何處
不示汝心要師佇思間皇云見則直下便見

擬思即差師當下有省乃復問如何保任皇
云任性逍遙隨緣放曠但盡凡情別無聖解
師因德山問久嚮龍潭到來潭又不見龍又

不現師云子親師三到龍潭德山乃作禮而退

雪竇顯云將錯就錯十一雲峯悅云大小德
山向龕龕裏淹殺黃龍心云雪竇與麼
道不知德山將錯就錯不知龍潭將錯就
錯識休咎底衲僧必知去處未過關者亦

宜辨取還相委悉麼縱饒裁種得不是棟
梁材

師問天皇從上相承底事如何皇云不是明
汝來處不得師云這箇眼目幾人具得皇云
淺草易爲長蘆

京兆翠微無學禪師嗣丹問丹霞如何是諸
佛師霞咄云幸自可憐生須要執巾簾作麼
師退三步霞云錯師乃進前霞亦云錯師翹
足旋身一帀而去霞云得即得孤他諸佛
師

師因龍牙問自到和尚法席每每上堂不蒙
一法示誨意在於何歸云嫌箇什麼牙後至
洞山亦如是道洞云爭怪得老僧後又問法
眼眼云祖師來也

雪竇顯云兩箇老漢被這僧穿却惟有法

眼與他同參若是雪竇門下喫棒了逃出
師一日在法堂上行投子進前接禮問西來
密旨和尚如何示人師顧視少頃子云乞師
垂示師云更要第二杓惡水那子便禮拜師
云莫擗却子云時至根苗自生

吉州性空禪師因僧來參師乃展手示之僧
近前復退後師云父母俱喪略不慘顏僧呵
呵大笑師云少間與閻黎舉哀其僧乃打筋
斗而出師云蒼天蒼天

續蔣山勤云展開兩手只見錐頭利進前

偈三

十二

退後不見利頭錐呵呵大笑笑裏有刀連
哭蒼天弓折箭盡且道畢竟如何良久云
若不共同橋上過爭信橋流水不流

師因一僧參人事退乃云與麼下去還有佛
法道理也無僧云某甲結舌有分師云老僧

又作麼生僧云素非好手師便仰身合掌僧
亦合掌師乃撫掌三下僧拂袖出師乃有頌
示之不錄

師因僧問如何是祖師西來意師云如人在
千尺井中不假寸繩出得此人即答汝僧云
近日湖南暢長老出世亦爲人東語西話師
喚沙彌寂子拽出這死屍著沙彌後舉問耽
源如何出得井中人源咄云癡人誰在井中
後又問鴻山如何出得鴻山乃召云慧寂寂
應喏鴻山云出也寂及住仰山常舉前話示

衆云我於耽源處得名鴻山處得地

米倉和尚一日有僧來參乃遶師三匝敲禪牀云不見主人翁終不叅衆去師云情識什麼處去來僧云果然不在師打一拄杖僧云幾落情識呵呵而笑師云村草步頭逢著一

箇有什麼話處僧云且叅衆去

潭州石室善道禪師嗣長因杏山間承聞行者遊臺山來還見文殊麼師云見杏云道什麼師云道你生身父母在深草裏杏無對師因杏山入碓坊相見乃云不易行者師云

有什麼不易穿心槐子盛將來無蓋盤子合將去杏無語

僊天和尚嗣大因有新羅僧叅纔展坐具師捉住云未離本國時道取一句僧無語師便推出云問伊一句便道兩句

師因一僧叅擬作禮次師云野狐兒見什麼了便禮拜僧云老禿奴見什麼了便與麼問師云苦哉苦哉僊天今日忘前失後僧云要且得時終不補失師云爭不如此僧云誰甘師呵呵笑云遠之遠矣僧以目四顧便出

師一日與石頭和尚遊山次。頭云：汝研却前頭。刺樹。師云：不將刀來。頭云：這裏有乃抽刀倒度。與師云：何不過那頭來？石頭云：用那頭作麼？師於言下有省。

師因僧叅纔展坐具。師云：這裏會得早是孤負平生也！僧云：不向這裏會得，又作麼生？師云：不向這裏會更向何處會？便打出。

師因僧叅纔展坐具。師云：不用通時暄還我文彩。未生時道理來。僧云：某甲有口啞，却即間苦死覓箇臘月扇子作麼？師拈棒作打勢。

僧把住云：還我未拈棒時道理來。師云：隨我者隨之。南岸不隨我者死。住東西。僧云：隨與不隨，且致請。師指出東西南北。師便打。

師因披雲和尚來纔入方丈。師便問：未見東越老人時作麼生？爲物雲。云：祇見雲生碧嶂焉知月落寒潭。十三 師云：只與麼也？難得雲云。莫是未見時麼？師便喝。雲展兩手。師云：錯怪人者有什麼限？雲掩耳便出。師云：死却這漢！十四 生也。

師因洛瓶和尚到，乃問甚處來。瓶云：南溪師

云還將得南溪消息來麼瓶云消即消已息
即未息師云最苦是未息瓶云且道未息箇
什麼師云一回見面千載忘名瓶拂袖行師
云弄死蛇手有甚限

漳州三平義忠禪師嗣大頭一日問侍者你姓
什麼者云與和尚同姓師云你道三平姓甚
麼者云問頭何在師云幾時曾問你者云姓
者誰師云念汝初機放你三十棒

是鳳凰兒不向那邊討師作禮顛云若不得
後句前話也難圓
續昭覺勤云徹底老婆心不向那邊討父
子要投機無端入荒草
師一日陞座有一道士出衆從東過西又一
僧從西過東師三頭云適來箇道士却有見處師
僧未在道士出作禮云謝師接引師便打僧
出作禮云乞師指示師亦打復謂衆云此兩
箇公案作麼斷還有人斷得麼如是三間無
對師云既無人斷得老僧爲斷去也乃擲下
州江口石人存師云猶是指東畫西顛云若

拄杖歸方丈

與章故語同

鴻山詰云若不是三平老漢幾乎作道理
斷却不見石輩道三十年一張弓兩隻箭
只射得半箇聖人果然

馬頰山本空和尚示衆云祇這施爲動轉還
合得本來祖翁麼若合得十二時中無虛棄
底道理若合不得喫茶說話往往喫作茶話
在僧便問如何免得不成茶話去師云你識
得口也未僧云如何是口師云兩片皮也不
識僧又問如何是本來祖翁師云大衆前不

要牽爺恃嬾僧云大衆欣然去也師云你試
點大衆性看僧作禮師云伊往往道一性一
切性在僧欲進語師云孤負平生行脚眼
本生和尚因僧從太原來師乃問近離那邊
風景如何僧云與此間不別師云且道此間
風景如何僧云和尚與某甲不同師云踏破
施主草鞋當爲何事僧無對師云即今即古
出箇問處且難乃至老僧亦出不得
師一日拈拄杖示衆云我若拈起爾便向未
拈起時作道理我若不拈起尔便向拈起時

作主宰且道老僧爲人在甚處時有僧出云

不敢妄生節目師云也知閣黎不分外僧云
低低處平之有餘高高處觀之不足師云節
目上更生節目僧無語師云掩鼻偷香空招
罪犯

見太平

韓愈文公一日自大顛云弟子軍州事多省
要處乞師一句顛良久文公周措時三平爲
侍者乃敲禪牀三下顛云作麼平云先以定
動後以智拔公乃禮謝三平云和尚門風高

峻弟子於侍者邊得箇入處

五祖戒代大顛拈拄杖打侍者

雪寶顯云這僧也善能切磋爭奈弓折箭
盡然雖如是且本生是作家宗師拈起也
天回地轉應須拱手歸放下也草偃風
行必合全身遠害還見本生爲人處也無
復拈拄杖云太平本是將軍致不許將軍

附三

十六

文公因唐憲宗迎佛舍利入大內供養夜放
光明早朝宣問羣臣皆賀陛下聖德聖感唯
文公不賀上宣問羣臣皆賀獨卿何不賀文

公因奏對微臣嘗看佛書況佛光非青黃赤
白等相此是龍神衛護之光上宣問如何是
佛光公無對因以罪請出

雪賣顯代云陛下高垂天鑒

文公問僧承聞講得肇論是不僧云是公云
肇有四不遷是不僧云是公遂將茶盞撲破
十七
云這箇是遷不遷僧無對

汾陽昭代云識得侍郎

宗門統要續集卷第十一下

永樂北藏

宗門統要正續集

音釋

槎

鋤佳

切

楔

先結

切

攬

厥縛

切

牒

厥縛持也

切

鑼

大組

切

頰

吉

切

搘

協也

切

搊

厥縛

切

牒

厥縛持也

切

鑼

大組

切

永樂北藏

宗門統要正續集

第一五四冊